

125.

D. A. G.
SPECIMINIS ACADEMICI
DE
**HELSING-
FORSIA,**
CELEBRI NYLANDIÆ EMPORIO,
PARS PRIOR,
QUAM,
*Consensu ampl. Facult. Phil. in Regia academ.
ABOENSI,*
PRÆSIDE
VIRO CL.
**MAG. ALGOOTHO A.
SCARIN,**

Histor. & philos. civ. PROF. Reg: & ord.
nec non academiæ BIBLIOTHECARIO,

Publicæ ventilationi modestè submittit,

HENRICUS FORSIUS,

HELSINGFORSIA - NYLANDUS,
In audit. superiori, ad d. VIII. Novembr. MDCCCLV.
H. A. M. S.

ABOÆ, Impressit DIRECT. & Typogr. Reg. Magn. Duc.
Finland. JACOB MERCKELL.

S:Æ R:Æ M:TIS
SUMMÆ FIDEI VIRO,
NYLANDIÆ & TAVASTIÆ, in FENNINGIA,
REGIONUM

G U B E R N A T O R I ,
ET DE STELLA BOREALI
E Q U I T I ,
ILLUSTRISSIMO COMITI
D_{N.} G U S T A V O
S A M U E L I
G Y L L E N B O R G ,
MÆCENATI MAXIMO.

ILLUSTRISSIME atq; EXCELLENTISSIME
COMES,
DOMINE GRATIOSISSIME.

TUA, ILLUSTRISSIME COMES, merita in omnem rem publicam, præcipue verò literariam & civilem, ad cuius gubernacula utriusque, in nostra gente sedes, tot & tam grandia sunt, ut acuminis & solertia plena oratio nulla eadem assequi queat, nedum ingenium paupertinum & tenue meum iisdem decorandis sufficiat. Estque in non leviratione macies & plebeja indoles ista, cur quam gratiam, NUMINE suffragante, apud omnes invisti, silentio involvere, quam in magno merito, pietatis munere meo non rite defungi malim. Quo enim modo solis facies ad humiles & depresso casas, perinde atque regum turres radios suos demittit, eodem TU quoque, COMES & GUBERNATOR EXCELEN-TISSIONE, favoris inexhausti splendore, obscuras spes & pendentia vota mea perfundere non molestum, neque a muneris & ordinis sublimitate TUI alienum esse duxisti. Es idem TU certè, qui non in ea modo, quæ conspicuo & eminente loco geruntur, oculum intentum babes, verum in TUA gratia præsidii & voluptatis parum neque positum esse voluisti juventuti, quæ ad indeflexam maturitatem itinere, quo convenit, institu-

institutoque pertendere, consilium esse censet. Cumque
fætum hunc informem, in ipso spei suæ rudimento ad-
huc constitutum, adspicere coram, oculisque lustrare
TUIS gratiissimè dignatus sis: ut ad eundem conser-
vandum SUSCEPTORIS, cum beneficio, officium in TE
derivari, TUÆque fidei & clientelæ eundem com-
mendatum esse velis, qua par est religione votoque
TEMET obsecro & obtestor. Fateor ab amænitate
MUSARUM illius admodum multum recedere formam, &
perinde ancipitem animi memet non simplici vice red-
didisse, in Gemonias ne abjicerem, an verò vitam
eidem prorogarem. Sed qui GYLLENBORGIANÆ
gentis immortalia merita in nulla non publicæ, præ-
sertim verò literariæ rei parte, valere, inque familiæ
illius clientelam recipi, Aonii gregis alumnos cuius-
cunque ordinis atque loci efflagitare vidi: TUÆ re-
cipientis & servantis misericordiae partum hunc in
solidum transcribere penes me constitui. certo certior,
apud nullos non COMITATIS officiosæ TUÆ, inque PA-
TRIAM pietatis SECTATORES gratiam inventurum, cum
TUUM in fronte NOMEN circumferre, inque TUUM
sinum, quasi per adoptionem exceptum viderint. De-
nique, ut diu florens & incolumis ætatem agas, &
aliis super alias operibus, virtutis TUÆ gloriam au-
geas, cum ceteris provincialibus DEUM, dum vivam,
affiduè precabor,

ILLUSTRISSIMI & EXCELLENTISSIMI
NOMINIS TUI

devotissimus cultor
HENRICUS FORSIUS.

VIRO admodum reverendo atque præclarissimo,
DN. MAG. JOHANNI
FORTELIO,
PASTORI Helsingforsium meritissimo,
& adjacentis districtus PRÆPOSITO dignissimo,
FAUTORI & PATRONO omni observantia ad ci-
neres usque colendo.

Favor TUUS, admodum reverende atque præclarissime PRÆPOSITE, plane singularis, quo clientem memet non simplici vice beare haud gravatus es, cujusque, TUO in posterum munere, me quoque componem futurum spero, mihi fiduciam fecit pagellis hisce TUI conveniendi, splendorem & gratiam quæsum a NOMINE TUO, Pieridum religioni multo ante consecrato, inque casto, cui illæ præsident, choro magno & memorabili. Invenies in exiguum orbem contracta illius urbis eastram pomœriaque, cuius functæ suis casibus, religioni TU hodie præs. Deprehendes ædificium illud sacrum rudi minerva adumbratum, in cuius pulpitis, TEMET ὄρθοτομεῖτε τὸν λόγον τῆς ἀληθείας, summa animi voluptate commissa curæ TUÆ fidelium communio, prolixo, sed temporis non nisi sursum subtracti acroamate auscultavit, TU verò, VIR præclarissime, patere ut publicum hocce sanctissimæ in TE observantiaz meæ monumentum constituum. Est non nisi specimen & rudimentum tendentis ad majorem perfectionem cognitionis meæ historicæ & literaria; quod si sereno, qui TUUS est, vultu adspicere, & favori TUO atque patrocinio memet in posterum commendatum habere velis: ego certè NUMEN SUPREMUM precibus meis defatigare nullus intermittam, velit IDEM in annos bene multis salvum TEMET incolumemque servare, sinereque non nisi serò illum diem oriri, qua columen suum funesta clade sublatum, nobilissima familia & denum clientes TUI commemorabunt, complorabunt.

Admodum reverendi atque præclarissimi
NOMINIS TUI

humillimus cultor
HENRICUS FORSIUS.

Admodum reverendis atque præclarissimis VIRIS,
Dn. Mag. PETRO BONSDORFF
ET


Dn. Mag. JOH. BORGSTRÖM,
S. theol. & philos. *LECTORIBUS* in Reg. gymnas.
Borgoënsi laudatissimis, Ven. consist. ibid. *AD-*
SESSORIBUS æquissimis,

FAUTORIBUS & PATRONIS ad tumbam usque, ju-
gi pietate & zelo devenerandis.

Adest occasio diu desideratissima, qua animum & favorem VESTRUM,
PATRONI FAUTORESque optimi, in me planè singularem, & vi-
cissim pium animi mei affectum erga VOS publicè declarare licet.
Beneficia VESTRA cumulatius mihi oblata si enarrare conarer, tanta di-
cendorum me copia obrueret, ut unde inciperem, vel ubi finem oratio-
nis invenirem, certè non viderem. VOBIS enim, VESTRÆ institutioni,
VESTRO consilio, VESTRO denique studio & amori, omnes meos in
præceptis illis & disciplinis, quibus ad intimiora scientiarum panditur via,
debo progressus. Accipite igitur, humillimus etiam atque etiam rogo,
PROMOTORES optimi, fronte benigna & placida hæc rudes lineolas
in grati animi tessera, quas VOBIS summa animi veneratione offero.
pro beneficiis enim mihi præstitis, quod VOBIS referam dignius, habeo
nihil. Fortunas meas ut hucusque, ita quoque in posterum, VOBIS be-
nignissime commendatas habere ne dedignemini. Ego vero omnium re-
rum STATOREM supplex rogabo, dignetur VOSMET gentis nostræ, quot
nomina, tot quoque decora, in seram posteritatem vitæ & incolumenti con-
servare, ut esse possitis ecclesia Dei, literariae & privatae rei præfatio,
clientibusque patrocinio exoptatissimo! Sic ex intimis cordis recessibus
candidè voyet

NOMINUM VESTRORUM

cultor humillimus
HENRICUS FORSIUS.



PRÆFATIO.



St, & semper fuit, omnibusque horis permanebit in dubia veritas, quod domestica fede nulla nobis jucundior accidat; illam adolescentiæ palæstram quoties revisere, recognoscere, aut saltem memorando renovare nobis datum fuerit, juvenescere iterum & ad præteritos annos reverti nobis videamur. Mihi certe, cum per latè patentis philosophiæ campos eundo, argumentum expeterem, in quo elaborando quantillas ingenii mei vires experirer, patriæ pomœria terræ, *Helsingforsensis* in *Nylandia* urbis pristinam & hodiernam formam subjicere oculis, tam cum animo conjunctum, quam ab officio non alienum mihi visum fuit. Neque non illa me modo genuit, sed & erudiit; non proferendæ vitæ animali modo necessaria prospexit, sed & cœli providere & præcavere, negotium suum esse voluit, ne per imperitiam ætatis in aliquam

A

vitæ

vitæ turpitudinem inciderem. Cumque in tot & tantis rebus benignè illa mihi fecerit, nominis illius propagationem, cuius etiam apparatus non mediocri voluptate me perfundit, exercitationis hujus summam memet esse voluisse, neminem in invidiam mihi obtrectationemque tracturum spero. Interim cum uno, quod dicitur, spiritu omnem quæ ante pedes est, provinciam obire, res sit supra vires meas posita, antequam ad rem ipsam perventum fuerit, quasi in vestibulo notasse non pigebit: constitutum esse mihi speciminis loco hoc ipso, urbem describere vetustate & naturâ suâ, commodo copioſoque loco sitam, liberalissimisque ingenii, quamvis non affluentem, quales, CICERONE teste, olim fuere *Athenæ*, talibus tamen instructam, quæ ad ornamentum urbis & posteriorum æmulationem, momenti non parum contulisse sint censenda. Quibus ceteris ad robur & ornatum institutis politicis & œconomicis redundet, quæ commerciorum & opificiorum ratio, quæ rerum domi elaboratarum concinnitas, quibus aggeribus atque castellis foris circummuniri coepit; in summa: quid communis utilitatis & juris fruendi cauſsa sociatorum cœtus hicce sibi velit, alteri, si Deo ita visum fuerit, reservabimus occasiōni. Desideras, non dubito, multa L. B. quæ ad prosequendum institutum, reddendamque in oculis peregre adspicientium, urbem nostram notiorem, apprimè facerent; verum cum obstet ab una parte documentorum, quæ indaganti in

manus

manus venere, raritas, ab altera quoque paupertatum sine arte ingenium: velim cœptis obviam eunti caussæ utrique huic, si qua parte literulæ & curæ hæ ipsæ oblanguescere tibi visæ fuerint, tribuas & ad lignes.

§. I.

Etymologiam urbis fissit.

Nylandiam, in qua urbs, quam mihi delineandam sumsi, sita est, *Fennos* olim tenuisse, illamque postea *Svecorum* *Gotborumque* incolatu hospitam magis, uberem & frugiferam redditam fuisse, ceu rem obviam & prope in omnium oculis hærentem contuemur. (a)

Quo vero tempore *Sveci Nylandiam* occupaverint, illud scire & pro vero venditare, tanto difficiili & scopoloso loco magis hoc tempore possum, quanto facti illius nulla nobis ab antiquitate

A 2

(a) In robur hujus assertionis confr. interim WEXIONII descr. Svec. lib. I. c. 27. ubi hæc exstant verba: „Nylandia olim a *Fennis* habitata, qui *Svecis* & *Helsingis*, cesserunt.

Ejus fidei consensum suum adscribentes vid. MATH. HALLENII de *Borea-Fennia* dissertationem pag. 51. & ER. TUNELDIUM in geogr. regni nostri descr. pag. 364. Spectat eodem ipsum originis Svecanæ nomen regionis, quod *territorium recens incessum & subactum* significat. Quid? quod de advenis ex septentrione colonis testatur non nomenclatio ipsa urbis solum, sed ex appellatione nuperi incolatus, titulum quoque suum trahens suburbana parochia.

tate explicita recordatio superest. A scientifica certitudine prope abesse tamen censenda est illorum sententia, qui regnante *ERICO Sancto* rege *Svethia*, excitam sedibus suis coloniam novitiam, archistratego *FALONE BURÆO* seniore, huc intro deductam fuisse asserunt. E *Gestricia Helsingiaque*, quam *Sundhediam* h. e. palustribus locis interfectum solum veteres appellavere, in *Nylandiam* erupisse armatam manum, plerique qui majorum gesta victuris chartis inscripsere, consentiunt.

Fieri illud potuisse prisco currente ævo, tanto verosimile magis, quanto de *Helsingiae* regno nusquam non proditum invenimus, quod *Svethiam* magnitudine superarit, incolarumque numero eidem non

Unde vero duces & signiferi traductæ in oram hancœ coloniæ, nomen *suum* defumserint; utrum loci ingenium, fortiave facinora characterem *sospitis* & *felicis* olim genti adscriptum voluerint; *montesne* quibus cingitur, regioni regnoque nomen dederint, an verò ex fundo reflectus ager, ejusque asperitas primorum temporum incolatui denominationem in accessu dederit, nostram in præsentia non facimus controversiam, quibus plus satis ante constat, quod propter vetustatem, sicut rerum, ita etiam nominum, quibus res insigniuntur, initia prostent ubique ferè obscura. Nobis novisse sufficit, quod ab aquilone & mari conditores regionem hanc nostram subiverint, & lingua cultaque avito suo celebrem magis eandem populosioremque redididerint. Post Christianismum in hanc gentem introductum, immigrationem ex *Helsingia* factam fuisse, rituum sacrorum, qui gentilitatis in transmarinis fuere, nulla heic loci vestigia insuper etiam testantur.

non multo inferior exstiterit; imo extra sinum
Codanum, mare, quo clauditur orbis, remis ever-
berare suis, gens ipsa neque dubitarit. Continebat
ambitu suo olim *Helsingiae* majestas imperii non
Quenlandiam alteram modo, *Hunalandiamque*, sed
aboriginum majorum nostrorum patriam quoque;
ex quâ, cum, quæ in hasce *Venedico* sinui finitimas
fedes gens nostra primum immigravit, una cum
nomine natales suos repetat: temere neque credi
posse videtur, ad perpetuandam cum tribulibus a-
amicitiam, ex geniali loco lareque suo evocatam
fuisse germanam sobolem, modô, quo factum in-
venimus identidem, ut cum suis hospitiis ab hoste
parum apte prospectum esse nostrates viderent,
Riphæis trans mare jugis saltibusque incingi, illi
longum neque impeditumve existimarint. Sunt
hæc ipsa per se clara & expedita quidem, verum
ne auctoritate & fide destitui videantur, triumvi-
ros breviter & cogitatè in eandem mentem lo-
quutos, testor, & quidem primo loco præclar.
virum ER. ALROOT, qui in erudita de *Gestricia*
dissertatione suâ huic opinioni suam vocem men-
temque commodat, cujusque quæ heic inferantur
verba, plane & omnino digna sunt: „Coronidis lo-“
co id omnino observationem mereri, *inquit*, “
quod A:o 1150. sub ERICO Sancl:o rege Svec. co-“
lonia ducentorum & quadraginta circiter homi-“
num ex *Gestricia* & *Helsingia* in *Finlandiam* mit-“
tebatur, quæ tractum illum, qui jam *Nylandia*“
dicitur, occupavit. Hic *Helsingi* vestigia natio-“
nis

,,nis suæ, *Helsingforsiae* & in parœcia *Helsinge* sockn
,,dictâ reliquerunt. Gestricii vero verus orien-
,,tem secedentes, parœciam *Sibbo* (*ad formam N-
,,bo nostræ urbis hodierni nominis*) ita nuncupa-
,,tam, quod pagi ad fluenta amnis cujusdam utrin-
,,que exstructi sunt, quasi *Sibbo* i. e. utriusque
,,lateris colonorum parœciam constituerunt. Heic
,,ipsi quoque memoriam nominis reliquerunt. Est
,,enim in illa parœcia pagus quidam *Gesterby* di-
,,ctus, cui *Gestrini* Fennones originem nominis
,,debere, pastor Thunensium pl. reverend. Mag.
,,*Gestrinius* literis mibi benevole narravit, affir-
,,mando quod in M. S. S. patris sui sæpius *Ge-
,,strikebyn* scriptum invenerit. Nec hunc solum
,,tractum occupasse videntur *Gestricii*, cum aliis
,,pagus in parœcia *Kyrkslätt* / quæ ab occidente
,,*Helsingforsiam* spectat, nomine *Gesterby* / vel *Gest-
,,rikebyn* celebretur, &c. Stat ab eadem sententia
vir religiosissimæ fidei D. D. BÆLTER in erudita
sua de *Helsingia*, dissertatione, pro testimonio a-
pertè magis appositièque dicens: „Nec minora
„fortitudinis suæ trophæa posuerunt temporibus
„ERICI IX. seu Sandi circa annum 1157. in Ca-
„relia & Nylandia, quando missis in hæc loca co-
„lonis, sedeq[ue] sua ejectis Careliis & Cajanis ter-
„ras illorum occuparunt, suisque applicuere vi-
„ctoriis. Hujus virtutis bellicæ vestigia non mo-
„do oppidum *Helsingfors* cum villa seu pago *Hel-
,,singaby* / sed & parœcia ipsa *Helsinga* sockn et-
,,iamnum hodie manifesta præbent, ubi præter
nomen

nomen gentis, lingvam quoque suam profemi-
nasle deprehenduntur.“ Cum Catone gemino i-
sto idem sentit & loquitur in suis ad *Finlandiam*
elegis generosiss. Dn. LOEVENSKIOLD cum A-
DOLPHUS FRIDERICUS, rex noster augustissi-
mus, exoptatissimo adventu suam hanc gentem
ante triennium exhilararet. Ita vero vates ante
alios memorabilis iste: “Huic urbi, scil. *Helsing-*“
forſæ sub FALE BURE HERSONIS filio & legifero“
Helsingiæ, tempore ERICI Sancti, nomen impo-“
suerunt, circa annum Christi 1156.“

§. II.

Continuatio priorum.

Hisce præsuppositis atque pro verò assumtis, e-
tymon *urbis* facili patebit negotio. Voca-
bulum *Helsing*, quo ceu prænomine locus insigni-
tur, coloniæ, cuius mentionem modo fecimus,
urbem nostram una cum subjuncto territorio de-
bere, hinc prono fluit alveo. Indagationem igi-
tur nominis *Helsingici*, unde suos natales illud re-
petat, missam facimus, ne crambem coctam recon-
quere velle videamur. Egregie enim & erudite
hoc factum est a clariss. BÆLTERO jam antea lau-
dato. Eodemque non minus apposite sensisse cen-
fendus est D. D. Olaus CELSIUS senior, qui a
salubritate torrentis aquæ etymon repeti vult, &
primo legum Helsingicarum titulo *Sundbediam* inde,

matrem Helsingiam insignitam fuisse existimat. (a) Unde verò suffixam *Forſie* nomenclaturam trahat urbs nostra, ex sequentibus non obscurè constabit. Primis temporibus, quibus dissipata cœli solique regione hac ipsa, primum gens advena subsedit, ab illo, quem hodie urbs tenet, loco prope disjuncto, castra & comitia sua constituisse, cui non primo intuitu statim apparet? Nominis insigne, quod finitimi ruris incolati inditum est, perinde sufficere posse diximus ad declarandum, quo feminis genere nostrates oriundi sint censendi, atque de situ regionis maritimo, ejusdemque a Svecis facta occupatione, ceteri tituli non obscurè convenient? Medium loci & tractus hujus sedem annis *Vanda*, a Gothicō *Van* & *Wand*/ transit, magnoque strepitū & sonitu aquarum vicino mari illabitur; illum quem undarum, inter præcipitia decurrentium, æstum & stridorem *fors* & *strömsfall* dici solere, nostrum

(a) Etymologici studii circa nomenclationem *Helsingiae* nimietatem & perinde incertitudinem perstringit WILDIUS b. m. regni *bistoriographus* in sua SVETHIÆ pragmatica, eademque *vernaculâ* historiâ; factaque regionis universæ divisione in septentrionalem & occidentalem, tractum SVETHIÆ finitimum multò ante, quam qui hiberni solis abscessum respicit, coloniis frequentari cœpisse urget. Nempe partem hanc ipsam *polo* propiorem, seculo III. a.C.n. circiter, Norvagorum exulum ductori incolatum & nominis sui gratiam debere; neq; nisi seculo C.n X, juris & imperii Svethici accessionem factam fuisse, præmissâ accuratâ à STURRONIDE assertorum evolutione, concludit.

nostrum nemo ignorat. Hinc ad flexionem Latinorum fit *Forsia* vel ut alii volunt *Forsa* & *Forsum*. Ex compositione utriusque vocabuli *Helsingforzia* dicenda venit, & id recte quidem. Interm, novaturientis seculi gustui convenienter, qui præciso simplici altero, *Holmiae* & *Hafniæ* in modum, *Forsham* rectius quam *Helsingforsham* dici volunt, perplexè an vero distinctè agere sint cendi, nostrum in præsentia decernere certe non est.

§. III.

Topographiam pandit,

Est autem sita urbs nostra intra territorium *Nylandiæ Borgoënsæ* & parœciam *Helsinga Söfni* in peninsula, quæ isthmo non nisi tenui & exiguo cum continente cohæret. Maris, quo dextrorū finistrorum cingitur, sinus est *Venedicus*, ita dictus a *Venedis*, qui cum *Vandalis* connumerati *Scandie* nostræ inhabitatorum quasi primigenia fementis, suo quodam jure meritoque audiunt. Est non nego opinio illa densis involuta tenebris, eademque in dissentientium lubrico constituta. Sed cum pro *Vanis* gentis nostræ indigenis testata literis multa obveniant, eaque ad unam summam retulisse videri velit dissertationis de origine *Vanorum* Cl. auctor, inanes curas fetari velle argueremur, si locum eundem repetere, scenamque non re sed nomine dissonam, iterum

B ingre-

ingrederemur. (a) Est autem exigua terræ portio illa, quæ ne fluctibus universa urbs cingatur præstat, circiter ducentarum & quadraginta ulnarum, colligendisque vectigalibus pro mercimoniis ultro citroque transvehendis commodissimam stationem præstat, Esboënsis tabernæ nomine insignitam. (b) Ex ista angusta terræ parte in illa, quæ occidentem spectant porrectiora *Nylandiæ* loca, quæque nomarchiam *Aboënsim* contingunt, publica via patet. Suburbano quo imprimis rure incingatur, si scire volupe fuerit, urbis nostræ pomœria tangere censenda est *Helsingia* plebeja, cuius sacratum religioni delubrum sesqui alterius spatio milliaris ab urbe distat. *Esboënsē* verò sarcarium.

(a) Ex qua stirpe primigeniâ *Calebi* ne, eorum puta, qui in scripturâ *Sumatritæ* & *Eßaoitæ* dicuntur, *Fenni* orti sint censendi, quia incertum esse putat *Finlandiæ* chronicæ auctor anonymus, in illam opinionem certo neque nosmet ingredi possumus. Sunt qui a *Wanno* salutandi formula *Venlandiam* primum, mox *Fenlandiam*, finitimæ gentis idiotismo, dictam volunt terram hancce. Sed cum lingyæ non *Fennicæ* sed *Gothicæ* originem debeat imperitiendæ salutis ratio illa, à *Venedorum* & *Vandalorum* consanguinea gente, hosque a *Vanis* (unde *Wanahem*, & *Wannaja*) descendisse isthanc nomenclationem, cum *GYLENSTOLPIO* nostrate non ægrè confenserimus. confer HERKEPÆI *Londini* habitam dissertat. de *ſtu Fintanaiae* pag. 6.

(b) Esbo ab *Eid*, quod præcipitis fluvii voraginem, continentisque habitabilem viciniam exprimit, vocabulum

erarium duorum, cum quadrante, milliarium interrum ab urbe dirimitur. Ab oriente *Sibboënsis* trium una cum quadrante, milliarium spatio ab urbe secedit ecclesia. Editum, excellum & amoenum locum occupat urbs, quam, sicut commoda situ, ita opere validam quoque, ejus summi **VIRI** dexteritate, cui muniendæ urbis summa concre-dita est, post non multo futuram esse speramus. Loci situm isthac virtute instructum esse, testes sunt colles, regionibus urbis, ceu insulis, passim intermixti, quos inter familiam dicit longo eodemque cuneato acumine prominens *casarum mons* (*Kasaberget*) vilioribus eorum habitaculis, qui ante introductum rei tabellariæ usum, pyris & speculis curandis præpositi fuere, olim destinatus. Hujusce vero generis angarias Scythica lingva vetere *Råter* / *Kasar* / *Wårdkasar* olim dictas fuisse, qui ex illa gente originem suam arcessit, ignorare nemo potest. Hodie montis supercilium idem nomine magis augusto *Castelli ULRICÆ* (*Ulricas-borg*) insignitur. Hunc locum munire cœperunt, septimo ab illo, quo nunc vivitur, anno, felici sub auspicio celsissimi regni senatoris, comitis & gubernatoris *Finlandie* generalis Dn. **GUSTAVI FRIDE-**

B. 2

RICI

Gorbicae originis esse, cataraæ *Gorbicae*, quæ eodem nomine veniunt, & *Stora* atque *Lilla* *Edet* dicuntur, plus satis indigitant. Cumque vix aliqua vetusta detur non significativa nominis notio, torrentem *Vanorum* undam, heic loci, sicut occiduâ *Gotborum* regione, ora & parti finitima appellacionem dedisse, quis quæso! ambigere potest?

RICI de ROSEN, cuius nomen non meminiisse, quoties de civibus in Regem & patriam bene meritis dicendum venit, *Finlandia* impium & nefas esse censet. Sed est illa non ad fastigium adhuc moles deducta. Ut autem extrema manus operi ocius accedat, laboris & industriae summi viri, in quos arcis & urbis muniendæ cura hodie est devoluta, dedita opera pro se quisque incumbit. Solem hieme occiduum prospicit piano suo alter monticulus, *Johannis*, nescio cuius religioni sacer, quem congestis in unum incensisque picatis doliorum & lintrium fragmentis urbica juventus venerari ante solita fuerat. (a) Sed cum imminente improviso ventorum vi fieri facile posset, ut urbis tecta quoque flammâ corriperentur, ludicrum pietatis genus illud, curante urbis magistratu, paulo ante desit. Feralis locus suppliciis reorum sumendis sacer rigentis poli plagam pelagiique situm consequitur. Appellatur monticulus idem *Brobergerget* / quem, postquam munimento novo exstruendo accommodari cœpit, funestam veteris ævi faciem honestiore brevi permutaturum augurramur, modo quo supplicii theatrum *Hierosolymitanum*

(a) Id quod factum videtur modo & ratione eadem prope, qua adolescentula *Angliae* pubes, urbe in ipsa, pontifici romano; itemque potentissimæ UNIGENITI bullæ romanae, *Parisii* dissidentes identidem parentare solent, cuius utriusque ludicrae rei exemplum, publicæ novellæ nuperrimè prodidere. ne de illis quid dicam pugnis & argutiis, quibus, abrogatâ superstitione gentilitia, primorum tempo-

tanum & Holmense Danicum, HELENÆ principis auspicio alterum, alterum CAROLI GUSTAVI molimine regis, struendo augusto templo utrobique consecratum fuisse novimus. Collis rerum venalium negotiationi destinatus, qui *Marinks backa* dicitur, ad orientem spectat. Ratio hujus denominationis, utrum inde petenda sit, quod *Ruffi*, dum regionis civitatisque ab anno MDCCXIII. usque ad CICCISSXI. possessores essent, rerum promericalium suarum tabernas ibi habuerint constructas; utrum vero ex alio casu consilioque nomen idem colli inditum fuerit, nostrâ scire, nunc certè parum interest. Est neque silentio prætereundum fortalitium vasto septum aggere, quo superiore longinquo durante bello urbem hostes circumdedere. cujusmodi tumultuario genere propugnaculi, ad submovenda, quæ forte inopinato ingruerent, *Aboæ* securitati, locis opportunis insuper etiam prospectum ivisse vidimus.

Denique ne earum rerum, quæ ad pulchritudinem & salubritatem spectant, huic cœli terræque tractui naturam nihil contulisse quis existimet, ad illius commendationem attendere neque piget, quod maris prospectu ab una parte liberrimo gaudeat,

rum Flamines Christiani ad πληροειαν et constantiam in novella religione, veteris ecclesiæ fideles commonefactos voluere. Sed quam, propter pericula publicæ & privatum metuenda, histriioniam, melioribus seculis abrogatam fuisse, vide atque confer MEIBOMIUM in tractatu de IRMENSULA, SAXONIAE idolo pridem famigeratissimo.

camporumque ab altera vastitatem; eandemque herbis & oleribus frugiferis distinctam ostentet. Sunt in exteris gentibus nonnulli, qui Scandiæ situm urgere non dubitant; sunt qui pruinis rigen-tem, non nisi montibus & tesquis infamem esse blaterant. Sed a qua judicandi prurigine tempe-raturos nullus dubito, si qui æstivo tempore sen-sibus lenocinantur aquarum & lucorum fusurus, avium modulationes, svavissimosque, qui aëra re-plent odores persentiscere ipsis datum fuisset. Vernantis gratiæ locique ingenium omnem indu-striam artificum prævertere, ipsamque cornu co-piæ suum Cererem heic loci effudisse sua sponte agnoscerent. Quid multis? cum sit illa regionis hujus conditio, ut spiritu aliquo aër semper mo-veatur, auras quam ventos crebro magis experia-tur, opimamque messem apud nos citius, certe non serius quam in transmarinis percoquat supernæ lampadis æstus; hinc neque mirum ingenuæ ori-ginis plures heic loci in lucem gigni quotannis, quam e vita excedere, & qui grandes natu con-fenescent, avos proavosque venientibus ad se ne-potibus quasi digito monstrare, eorum fabulas & sermones repetere, eoque efficere solere, ut eo-dem cum majoribus seculo se quoque natos, mi-nores sibi imaginentur.

§. IV.

*Tempus primævæ ejusdemque rudioris fundationis
dit,*

pandit, queque cum primum nasceretur urbs,
privilegia eidem concessa fuere, aperit.

Princeps de universo *Svetbiæ* regno ejusque
libertate ecclesiastica & civili immortaliter
meritus Rex GUSTAVUS I:mus, fundandi hac re-
gione municipii adjutor & impulsor exstitit; Anno
enim MDL. ad locum illum ante nominatum
Gammelstad (quamdiu in rudimento spei suæ o-
mnia adhuc constituta essent, *Sandhamn* dictum)
urbis nostræ fundamenta collocari præcepit. (a)
In hospito verò loco fundati & jure stapulæ dona-
ti municipii hujus caussam *TEGEL* in regis illius
biographia hanc annecit, nempe ut cum *Batavis*
& *Russis* liberæ negotiationis exercendæ occasio-
nem haberet novitia civium turba *Ekenesio*, *Rau-
moå*, *Borgoå* aliisque *Finlandiæ* oris sedes heic fige-
re jussa, ut non agrorum in urbe commoda se-
tarentur, sed sterilium sine fruge commercantium
Belgarum more, ad honestum è longinquò quæ-
stum ditescendi, studium omne suum converte-
rent. Mercibus in illum modum è prima manu
emtis, quantum lucri civibus *Svecanis* accessit,
tantum invidiæ quoque apud *Lubecenses*, qui ar-
ctoo orbe acerbissimum solis sibi mercatum vindic-
caverant, conflavisse *Loccenius* observat. Com-
pararant illi sibi multo ante negotiationem libe-
ram

(a) Confer *MESSENII* Scond. illustr; Tom. V. p.
105. X. p. 25, 26. & XV. p. 116. *WEXIONII* descr.
Svec. lib. 7. c. 18. & *TUNELDII* introd. in *geogr.* c. 5.
p. 364.

ram per sinum *Venedicum* & *Livonicum* quaqua
versum, illamque præscriptionis titulo munitam,
temporis lapsu nullo ausu ye turbari posse præten-
derunt. Sed cum non *Hanseaticæ* solum, sed & ce-
teris civitatibus, maris navigationem liberam esse
Sveti aperte proderent, imo usurpati improbè pri-
vilegii sui eandem non difficulter convincerent,
incredibile in quantam indignationem, qui rem
illorum *Holmiae* curarent, efferbuerint. Insidias in
urbem, arcem & navalia parasse perhibentur. Sed
cui malo, ne latius serperet, à GUSTAVO matu-
rè provisum, & accuratis excubiis in tempore ob-
viam itum fuit. Verum enim verò in ipsis velu-
ti cunis illa emporii heic loci instruendi ratio per-
mansit ad regimen usque augustissimi regis JO-
HANNIS III, qui incolas hujus loci per literas
Holmiae die III. aug. A:i MDLXIX. datas certo
certiores fecit, non solum quod industriam atque
laborem constituendæ & instruendæ urbi necessa-
rium huic loco impendere possent, verum privi-
legiis eximiis etiam cultui & religioni urbis veli-
ficare neque intermisit; quorum præcipua oculis
lustrare a præsenti instituto non alienum erit. Sci-
licet primo loco potestas facta civibus mercatu-
ram terra marique liberè exercendi cum omnibus
in nullam peregrinitatem redactis; Comitorum
jus, & quæ ceterarum urbium esse solent, im-
munitates, novellæ communitatis hujus quo-
que esse voluit. Inde ut duo fundi rustica-
ni & totidem pagi, qui novam urbem proximè

mē contingebant; civitati subessent, eidemque in majores minoresque areas distribuendæ, nec non armentorum pabulo, aliisque necessitatibus inser- virent, in mandatis dedit. Pagorum non cum magno ambitu nomina fuere **Gumtäckt & Forsby**, quorum alterum sex virilium portionum ambitum complecti voluere tabulæ, quæ pridem fuere censoriæ; *bujusce* verò glebam exiguum magis angu- stamque tertiam partem minorem esse voluerunt. Imo ne edulii genere maritimo quocunque desti- tuerentur incolæ, insulas minores **blåbärds-höfje** & **Sompeholmen** piscatum convenire iisdem neque interdictum. Contingit altera parte urbem **Vano- rum** fluvius, cuius notatu dignam mentionem ante modo fecimus, quiique ex Svetia colonos arcessi- visse majores nostros, in paucis non sine pondere testis est. Spectabat gratia regis quoque molendini in cataraectis fluvii exstruendi commoditatem, sub illa tamen non obscurâ conditione adiectâ, ne, in honorem civibus facta concessio ista, salmonum, præcipiti æstu salientium piscaturæ regiae fraudi esset præjudicioque. (a) Dehinc ne qua in re studiis civium rex summæ pietatis & benignitatis

C

(a) Pelago quæsitam animalis nobiliorem speciem i-
stam, multo quam urbs conderetur, ante regio & fisci
patrimonio cessam fuisse, omnemque ex amne proventum
istum *Padiseni* in *Livonia* monasterio, pro requie sua suo-
rumque MAGNUM *Erici Svetiae* regem anno 1351. conse-
crasse, acta ævi illius publica testantur. DALINS Sv. hi-
stor. II. p. 505.

deesse censeretur, negotiationis cum dissitis & indigenis exercendæ consuetudinem rusticis interdit, suaque una cum pascuis rura curare, suam Cererem colere præcepit. Quām verò perversè cum illa republica actum sit, ubi nullo habitu civium discrimine, ad commercia tractanda illi quoque admittuntur, qui, quæ ad mercaturam honestè instituendam requiruntur, juxta cum ignarissimis nesciant, cum in insigni sua de œconomia patriæ dissertatione ad liquidum perduxerit hodiernus juris & œconomiæ professor Upsaliensis Dn. A. BERCK, idemque ad cautius mercandum excitæ sedibus suis juventuti Academicæ etiamnum auctor & exstimulator supersit, ne extra circumvehitationis me movere velle videar, rem latè patentem substrinxisse mihi in præsentia satis erit. Sacra nundinalia Eusebiæ olim, Themidi & Mercurio, plebejorum puta per vicinos cœtus, Pyttis/ Sibbo & Borgo collectorum mercatui consecrata revocavit, & quod forum rerum venalium heic loci institui jussérat felicis memoriae parens, regni jure & sanctione ulteriori sua constabilivit. Translata ad celebriorem mercatorum conventum publica regionis negotiatione, ne quæ urbi non habitatae diu, neque satis cultæ materia inclarescendi deesset, sicut flaminum lucro suorum papa priusdem, ita urbis hujus auctui & incremento solemnnes nundinationes crebro magis exerceri voluit, eodemque fine circa Bartholomæi festum prope Alvhors prædium, Helsingiæ novæ oppidanis

danis cum Borgoënsibus merces suas distrahendi potestatem fecit. Geminam nundinationem, quæ diebus visitationis Mariæ & exaltationis crucis, Borgoë haberentur, designavit; ne quæ CONSTANTINO objiciuntur à Hieronymo, quod Constantinopolin ille suam ceterarum urbium nuditate fundarit, præjudicio nescio quo, ad nostræ urbis fundatores quis referre possit. (a) Nundinas verò die Johannis baptistæ in parochia Sibbo ante celebratas, solemnî erga Deum religioni hominesq; iustitiæ, tempore eodem urbis novæ incolatui, ejusque ditescendi compendio cedere jussit. Festo epiphaniæ, aut si dicere mavis, magorum trium, nundinas quoque sedibus iisdem celebrari præcepit. Item in parochia Esboënsi ad villam Bohack Michaëlis festo, publica mercium, cuiusvis generis emtio venditio, prisco more, nostratisbus permissa. Quin, ne ex agro in forum iterum traducendæ negotiationis nasceretur locus, improbam in urbe cum exteris nundinationem exercere rusticæ plebi penitus interdictum. Illas ad commodum & incrementum urbis datas immunitates priorum regum, rex SIGISMUNDUS lit. dat. die XXX. Jun. MDXCIV. non solum confirmavit, verum Borgoënsibus finitimis etiam promercalia bona sua dissitis & exteris gentibus distrahendi facultatem ademit, & quod dicitur fori jurisque communis

C2

h. e.

(a) Hieronymus in Chronico, Fabricio in bibliogr. antiqu. teste VI. 14.

h. e. stipulæ privilegium *Helsingforsensibus* unice concessit, hanc imprimis ob justam & magnam rationem, quod *Helsingforsia* non mari propior illa solum, quam *Borgoa* sita sit, sed & locum teneat urbis sepiendæ munimentisque instruendæ magis capacem, quale otium securum semper quærere solent, qui inter terræ filios eminere, opesque ad non minorem civitatis, quam suorum gloriam conferre instituerunt; quid? quod si municipio utriusque jure pristino suo, temporis intervallo longiore frui permitteretur, jejunè & exiliter rem suam utrimque peragerent, stirpium more arcto magis invicem angustoque loco annatarum consistarumque, quæ nutritioni destinatum succum invicem sibi præripere & subducere solent. SIGISMUNDO submoto rege, surgentis in altum felicitatis civium auctor & adscriptor novus surrexit CAROLUS IX. rex, ille qui privilegia ab antecessoribus, præcipuè verò JOHANNE rege concessa, clementissimè corroboravit, diplomate dat. die III. Julii anni MDCVII. Ne de ceteris immunitatibus quid dicam, quæ in subjectionis auctoramentum, recentioris inventi municipiis conferri solent, quibus cives ille suos discretis etiamnum septis habitantes egregiè munitos esse voluit. Inter illa verò muneri data lautiora, brevitatis caussa, verbo nominasse sufficit: quod extraneis, qui civitate semel donati fuerint, iisdem ad pristinum larem remigrandi nulla potestas data fuerit, nisi tradita & commissa civitati tertia parte bonorum suorum mobi-

mobilium. (a) Scilicet erat illud solemne exteris, utpote Germanis, Belgis & diverso cœlo genitis aliis quoque negotiatoribus, ut post positas aliquandoi Helsingforſiae sedes, auctamque inibi egregie rem nummariam, ad suos iterum reversi sint, non sine urbis, pro cuius magnitudine anno uno alteroꝝ pugnare visi sunt, insigni damno, præcipue vero fortis, quâ exercenda veniret negotiatio, importuna diminutione. Deinde permisit rex longè clementissimus etiam, ut pecuniæ mulctatiæ dimidia portio, usui civitatis, in rationes ejus referretur. Denique opum, quibus crevisset civitas, decima parte hæredem eandem constituit, eundemque æris censum subſtructionibus ædium publicis consecravit. Qua ratione rex immortalis memoriae GUSTAVUS ADOLPHUS civitatis nostræ immunitates auctum iverit, quantumve illius gratia & mansuetudine imperii incrementi acceſſerit urbi, fatis superque conſtat ex variis edictis ejus noſtratibus datis. Per lit. die XX. Maji MDCXIV. nundinas publicas, die I. Sept. in parochia Tavastiæ Janakala ad pagum Turchanta celebrari permisit, civibus Borgoënsibus autem aliisque interdixit hunc, negotiationis C 3 cauſſa,

(a) ALBINAGII jure municipali, excluduntur identidem extranei hæredes à bonis defuncti civis. Eodem, si non potiore jure princeps civitatis sibi vindicat partem bonorum in imperio quæſitorum, cum expilatis civibus prioris commorationis, fortunarum suarum novum apud exteros receptaculum extraneus quæſitum venit. Jus autem, quo pro-

causâ, locum convenire. Quin, cum scirent cives, quanta in hostes irâ perseverantiâ, tanta in cives gratiæ magnitudine grassari optimum regem, inde missis nunciis ad eundem tenentem in urbe nostra aliquantilli temporis stationem, supplici prece rogarunt, impetraveruntque, ut, urgente summa eorum t. t. necessitate, cum exteris, navium suarum rostris jam ad urbem evectis, ea æstate liberè negotiari potestas concederetur, quamvis in comitiis Orebroënsibus ante paulo vetita fuisset ratio commercandi ista, urbicisque per universum regnum injunctum, ad provehendam in majus suæ gentis œconomiam, propriis navibus exteris visitare oras. Quid? quod permisit insuper etiam redditus & vectigalia in regni ærarium jam ante referri sveta, anno currente eodem, juvandis nostratiū perplexis rebus in solidum cedere, connumerarique. (a)

§. V.

Fundationem Neoforsiæ ejusque privilegia exponit.

QUAM à natura umbram & colorem *Helsingfor-*
sia ipsa sibi debeat; quæ, ne perpluerent na-
 turæ munera, in eandem aëtorum & auctorum
 primorum regum munificentia fuerit, videre quan-
 tum

hibentur peregrini bona sua in universum omnia ex una ci-
 vitate in aliam, sine pretii æstimatione & taxatione transferre,
jus detractionis vulgo nuncupatur.

(a) Vide Kongl. Majits resol. på Helsingfors enstytta
 besvär af d. 18. Maii 1714. item af d. 24. Octobr. 1617. ubi
 privilegia a præcedentibus regibus concessa confirmantur.

tum oculis nostris datum fuit, dispeximus; Vidi-
mus ab aratro Senatum urbi datum, & pristina
sede antiquata, ad aratrum rediisse iterum, qui si-
tum recentioris commodum magis sequi detre-
starent; quæ post inductum veteri oppido silen-
tium solitudinemque, novæ urbis fata fuerint,
quàm ex illis pristinæ ruinis hæc accreverit, por-
ro dispiciendum.

Optimorum curæ & providentiaz regum felici-
tatis futuræ suæ rudimenta *Forsiam* debere vidi-
mus. CHRISTINA virtutum divi parentis sui au-
gusta propago, cum pristinum consilium collocan-
dæ in vado utcunque (a) publicæ securitatis, ne-
gotiationis instituendæ opportunitati non parum de-
rogare videret, edito d. II. Octobr an. MDCXXX-
IX. edito, potestatem dedit delectis ad comitia
urbis senioribus deferendi incolatus sui pristinas
sedes, & ad locum, quem oppidani hodie tenent
transferendi, ut sumtuum profusione minore, &
spe majoris securitatis cingi muris urbs posset,
item-

tur in quantum non repugnant statutis de certo mercandi
modo latis (Handels=ordinancen) quæ in comitiis Upfa-
liensibus hoc eodem tempore habitis revisa & emendata
sunt. Et, Kongl. Maj:ts resol. af d. 14. Julii 1618. atque
d. 7. Febr. 1626.

(a) Cur remotiore a mari regione urbem primitus
exstructam voluere cives, ratio sine dubio erat securitas
quantulacunque ab argonautis minorum gentium, quorum
propiore loco telis obrui improvisò & una cum vita, bo-
nis omnibus raptim expoliari potuere.

itemque regni, versus hostes, magis portuosa evaderet navigatio. Stetit in illo priore fundo canticum centum annorum opus, neque ante annum MDCXLII, excidio & ruinis datum fuit; (a) fuissetque in longiorem diem facile protractum, nisi habitationis deserendæ moram & dissensum multitudinis egenæ rupisset regni senator, magni ducatus gubernator comes PETRUS BRAHE junior, cuius providentissimè jaëtis instauratisque in solidum se debere, quidquid ornati & ordinati habet, *Finlandia* nunquam dememinisse potest. Ipsas fundationis tabulas, ad verbum heic loci inferere non pœnitabit, cum comprehendant illæ non solum veteris coloniæ commodiore loco constituendæ rationem, sed indigitent eadem privilegia & immunitates etiam; ne de *insigni* quid dicam, quo ceu palladio, in argumentum regalis clementiæ, *Sveo-Gothorum Pallas* piissima novæ urbis acta muniri condecorarique voluit. (b) Utinam tutelari CORONÆ suæ æternum devineta perennet hæc nostra *corona*, neque *Diomedis* astu ullius a corpore suo divellatur! Cum ad tractandum regni clavum ematurisset AUGUSTA, immunitates has ab imperii administris urbi datas clementissimè confirmavit lit. dat. d. XVII. Jan. an. MDCLI, & ne a se nihil datum videretur, civium fidem amplissimis pignorare præmiis ipsa neque intermisit.

(a) Patet hoc a geodætae Nicolai AVANDRI urbis metiendæ, inque suas regiones certas distribuendæ opera.

(b) Mi CHRISTINA, med GUDs nåde, Sveriges,

misit. Quanto verò nisu studioque, quanta de-
nique opera, postquam imperio se abdicasset re-
gina, ejus in *Sveogothico* throno successores in id
incubuerint, ut ad exoptatum florem suum fastigi-
D umque

Gjöthes, och Måndes utkårada Drottning och Arffur-
stina til Finland, Sertiginna uti Estland och Carelen,
Fröken utöfwer Ingermanland; Gidre witterligr, efter
som Wi Öf hafwa föresatt och belefvat, GUDi den
Aldrahögsta til åhra, så ock til flera borgersliga församlin-
gars och städers förmering, uti Wårt Storfurstendomme
Finland at låta fundera och upbyggia en ny Kibp-Siö-
och Stapelstad uppå den orten där Södernås udd nu är,
en half mil ifrån Helsingfors belägen; Wi ock derjämte
förmimme huru som åtskilliga skulle finnas, de sig där ned-
sättja wela, och samma stad begynna at byggia, där de al-
lenast på wissa stads privilegier fri- och rättigheter woro för-
säkrade. Så hafwe Wi fördensfull om detta hållsosamma;
och för våra undersatare nyttiga werck, så mycket bättre til
fortsättja, dem nu i förstone med följande privilegier och fri-
heter welat benåda och försörja.

1:0 Gifwe Wi allom som sig på bemålte ort nedsätta
och boendes blifwa, macht och tilstånd at efter denne dag
Sveriges Stadslag nitia och bruка, dgrefter Borgmä-
stare och Rådmän wälja, så ock andra Ambeter efter tarf-
wen til sättja, jämval ocf uti alle förefallande saker, efter
berörde stadslag, ransaka, domma och exsequera, handel
och wandel sig emellan och med andre städer drifiva. Döct
Kibp-handels ordinansen i alla mätto oförkränkt.

2:0 Efter det at framdeles, såsom uti andre städer bru-
keligit, deras fälte domar, contraeter, fullmachter, paß och
andre certificater, när så behöfves måste med stadsens In-
segel bekräftas; Dersöre gifwe Wi dem til Stads Secret

umque pertingeret hæc urbs nostra, id, vel me tacente, loquuntur tot non unius generis saluber, rima edicta, quæ ut magis magisque adolesceret salus publica, validioraque, contra malignantium insul-

och Insegel, at föra och bruka en bååt, stående uti en forß, där åfwan uppå en förgylt Krona uti blått fält. Sedan at den staden ock härefter Helsingfors skall nämnd och fallad blifwa.

3:o Efter som Wi wele det Borgerkapet i Gamla staden H:fors, hålst de som nägre Stappelstads friheter här efter tänckia til åtniuta; skola transportera och flytta deras bo och hemwist til denne nya staden; Altså unne och efterlåte Wi honom härmad til mullbete och utrymme de twånne byar som åro Gumiächt 6. gårdar och Forsby 4. gårdar med des ägor uti Ägelby. Item Blåbårs holmen, Håjje holmen, Sompe holmen uti H:fors fiärden, jämte den qvarnen näst H:fors, hvilke alle under den staden tilförene hafwa lydt och legat.

4:o Skola alle som i berörde stad sig nedsättja och burskap winna i samfälte 12. år, ifrån denne dags dato, aldeles vara qwitte och frie för lilla Tullen, Bakungs pennin- gar och accisen af alt öhl och bränwin, som uti staden och innom des jurisdiction brygges och bråmnes: Sammalunda ock emedertid blifwa frie för Båtsmans häldning och den manliga städernes contribution, samt andre ordin. borgerliga besvår och utlagor.

5:o Skola de hafwa macht lika som andre Kibp-Stads- män och Borgare uti våra Stappelstäder Viborg och Åbo, at drifva fri seglation och handel, så wäl Inrikes, som Utrikes til främmande orter: dock oförkränkt Kibp-handels ordinansen och flere i det fallet utgångne stadgar, och för- ordningar.

insultus, evaderent urbis firmamenta, curam suam omnem auctoritatemque accommodatam voluere. Non commerciorum frequentiam modo, & quæ privatim tribui moris sunt, municipalia jura civi-

D 2

bus

6:0 Särdeles privilegiere Wi bemålte vår stad H:fors på efterföljande frimärcknader, först de twänne som åro hållne härtil uti gamla H:fors, den ena om Selge Tre Rönungar, den andre St. JOHANNIS tid at hållas. Sedan at icke mindre besökia och hålla de märcknader som uti Borågo stad den 1. Julii, jämväl uti Pyttis Sochn vid Lilla Åbborforßen, om Bartholomæi tid för H:fors boerne plåga vara fri och tillåtne.

7:0 Så hafwe Wi ock Nådigast unt och efterlåtit at utaf sakörerne som där kunna falla, skall staden halsparten hafwa och behålla til Kyrkiors, Scholars och andre stadsens allmåntna byggningars befordring och uppehålle.

8:0 Wij efterlåte ock Staden til des byggnung och förbättring, hvar tionde penning af alt det arf i staden faller och därutur skall årswas, så at hvar någon utom Stads bodde, den något arf antingen löst eller fast i staden tilfölle, och han sielf icke wille bo i staden utan på landet, och föra lös ören af staden, han skall både af löst och fast, som förbemålt står, til staden hvar tionde penning afsluta, och åns dock icke hafwa macht at sälja någon annan utom staden boende, anten huus, jord eller tomt, som han i staden ärft hafwer, utan staden löse och behålle det efter måtes manna ordom, dock privilegierade Personer deras frihet och rätt härmel icke i någor måtto förtagen.

9:0 Hafwa Wi ock nådigst unt och efterlåtit Staden och des Fibyggaré at de härefter skola vara frie för omläggnings giästningar och allmåntna skuts färder, så til lands som sibwågen; dock med det bestied, at de ester lag tilsättja Giäst-

bus concessere, sed illustrium personarum etiam,
qui urbis & regionis rem publicam pulchrè cura-
rent, sedem heic constitutam voluere, quarum vi-
tae splendorem, opificum & aliorum ministrantium
ma-

gifware och wiſe Taverner, hwilka ſkola vara förplichtade
at hysa och herbergera de wägfarande, försörja dem med öhl
och mat, sāsom och förfaffa dem ſkiuts häſtar, wagnar och
båtar, och all annor fördenskap, ſom den wägfarande kan be-
höfva för penningar och fidlig betalning.

10:o Efter och oſta ſkie plågar at många fättja ſig ne-
der i städerna, och giöra deras borgare eder, bruка deras
handel och wandel emedan friheten warar, och når den ute
är, draga sedan af igen på andra orter. Dersöre ſå ſkall
hwar och en ſom borgare will vara, förf, för än han til
borgerskap lātes och antagen warder förehållas, om han will
blifwa där boendes i alla ſina dagar. Hwar han det icke
giöra will, utan tilbiunder ſig, medan han där handel och wan-
del, efters frihetenes förlöpp, drifwa will, borgare rått giöra och
hålla; då ſkall det honom intet vara förbudit, allenast at han
ſeden friheten är ute, ändå efters lag 6. år ſitter qvar förän
han ſin borgare ed upſäger.

11:o Efter Wi och wele at ingen gångande Åmbetsman
närmare än på 4. mil nær staden ſitt åmbete ſkall idka och
drifwa; Dersöre wele Wi at alle ſådane de ſitt åmbete hos
allmogen drifwa wela, ſig i staden ſkola nedfättja och bor-
gare blifwa. Besfinnes någon ſom häremot giörs, ſkall ſta-
den mächtig wara, honom med vår befallningsmans tilhjelp
fängla låta, och hwad då för arbete hos honom finnes, sāsom
förbrutit antaga och än dertil böta låta.

12:o Så wele Wi och med deſe privilegier taga och
annamma S:fors Stads Inbyggare alle med huftru och barn
gods och ågodelar vörliche och orörliche, innom stads och utom,

manum attrahere, materiamque increscendi non
exiguam foro locoque conferre solere, palam no-
tum. Sed de quibus institutis, cum ad alterum lo-
eum, formam & ~~moderis~~ civitatis perventum fue-
rit, pluribus dicturi erimus. Ast cum futuræ ur-

D 3

bis

uti Wårt Konungliga hägn, friid och försvar för alt öfver-
våld och orått, särdeles til lag och rätta. Och detta alt til
Wåre vidare ratification vid Wåre angående myndige är
och regering. Efter som Vi ock spörja framdeles, at
denne staden sig något märckeligen förkofrar och tiltager, då
wele Vi nädigast vara betänkte dese Wåra privilegier
at öfverse, och efter Wårt godt finnande dem förbättra. För-
biude fördensfull härmad allom dem, som Øf med hörsamhet
och lydno åro förplichtade och för Wår full wele och skole
giöra och låta, at icke tilfoga dem som uti S:fors sig ned-
sätta wela, häremot hinder, meen och förfang nu eller fram-
deles. Til yttermera wifo, är detta med Wårt Secrets un-
derhängiande, och Wåre samt Sveriges Rikes respecti-
ve förmynndares och regerings underskrift bekräftat. Gisvit i
Köping den andre dag i Octobris månad. År efter Christi
stii börd, Ettusende Sexhundrade, och på det Trettionde och
Mionde.

CHRISTINA

(L. S.)

GABRIEL OXENSTIerna

Gustafson S. R:s Dråtz

PEHR BANEER.

J. R. Cantzlerens ställe.

J. H. WRANGEL.

J. R. Marstl. ställe J. R. Ammir. ställe.

GABRIEL OXENSTIerna.

Friherre til Mörby och Lindholm S. R.
Statthästare.

bis magnitudini animis adeo linguisque faverit re-
gni majestas, qui quæso! factum, ut cui rei, con-
silio puta urbis munientæ, prius cautum esse opor-
tuisset, illa ad manus, nostro ævo demum pervene-
rit? Utrum cum veteris ævi bellatoribus, ne virtu-
tis obliscerentur, fossam & maceriem coloniæ ob-
ductam, pro servitii munimentis habuere nostrates?
De magnæ Germaniæ incolis A. MARCELLINUS
prodit, quod emunitos aggere colles, ceu lustra
retibus circumdata, declinaverint. Nostræ recens
habitatae urbis utrum eadem mens fuerit, suasque
cives in aperto sedes, non alio nomine positas es-
se voluerint, quam, ut ex urbe in agros, & ex
illis iterum redeundi commoditatem conservarent,
anceps animi quis requirere potest? Sed cum sit
omnis sine lege libertas, non nisi isti agnata rei,
cujus in humum & pabulum prostrata est natura,
& ab illa, quæ TACITI ævo fuit, indole, ad ea
quæ magis salutaria sunt, nostrates multo ante
diverterint, caussam in longum prolatæ munitio-
nis urbis nostræ, hanc justam magnamque accipe.
Erat tanta olim imperii Sveo-Gothisci amplitudo,
ut fines vix aliquos certò constitutos habuerit. Se-
curitati regionis, una cum ipsa natura, artem,
quantum satis erat, prospexit, plus satis notum.
Hodie cum penatibus nostris spoliatores alibi vix
reperiantur, ne undequaque conveniri regio que-
at, de eadem præsiis & navibus opportuno quo-
cunque loco emuniendâ, quorum intererat, con-
silia conferre cœperunt. Cumque moliendæ rei
pul-

pulcherrimæ, aptior non ullus hodie rep̄eriretur locus, quam qui nostratem terrâ marique *Helsingiam* contingit, ne quâ hostis in interiora regionis primo accessu penetrare queat, interceptis montium verticibus, portuosa nostris navigatio, hosti vero impeditior reddi cœpta. Exspectat suo sub *Atlante* ultimam manum brevi artis & molis eximium opus, utque ætatem, quam quæ voto præsumi potest, grandem magis, florentemque, consequi possit, *DEUM* precamur!

§. VI.

Formam urbis generalem delineat.

Hanc antequam ingressi fuerimus curam cogitationemque, lectorem benevolū monitum, eidemque ab initio statim prædictum volumus, heic loci nosmet, neque formam urbis antiquæ, nec illum habitum describere in animum induxisse, quo urbs nostra ad annum MDCLVII, effluerat; cuius procedente æstate accidit, ut quæ in urbe substructiones condi cœpissent, furens incendium corriperet, tectisque inhærens idem, cum ope humana nulla coërceri posset, penatibus juxta facultatibusque cives exscoliaret. Quin, vici-set facile spem amplius emergendi illorum, nisi HEDEVEGIS ELEONORA, facta nuper Svetiæ AUGUSTA, sua ad benè sperandum munificentia, extorrem lare civitatem, excitasset. (a) Ad exemplum

(a) Vide Satrapæ t. t. ref. på S:fors Juv. insinuade supl. af den 16. Julii 1657, ubi hæc leguntur verba:

plum Principum, cum, sortis humanæ miseratio-
ne, jacentibus adminiculo accurrerent alii quo-
que, firmari animo magis, nec non sumtibus, &
viribus, in unum collatis, urbs reædificari coepit
est. Verum enim verò contentionem, qua se eri-
gerent, non longè proferre potuerant, cum ami-
cissimas fortunarum sedes suas, iterum in fumum
& cineres abire, mœsto & conturbato vultu, vi-
derent anno MDCCXIII. Eodem enim, die XII.
Maji, hora ante meridiem XI, infesta, longinquò
metu suspensis, classis Moschovitarum supervenit,
& in urbem tanto impetu irrupit, ut cohortes
Fennicæ, non nisi DCCC. virorum, post exantla-
tam per intervalla tumultuarium cum hoste pu-
gnam, campo mox cedere coactæ fuerint, suoque
in discessu, ne commodam hosti stationem resin-
querent, urbi faces ipsæ, quamvis invitæ, subje-
cerint. Eodem loco, quo ante hoc ultimum ex-
cidium steterat, pace terrâ mariquæ partâ, paula-
tim surrexit hodierna, auctibusque tot & tantis
quoti-

9:o Villåtes dem frihet för accisen, efter staden måste gibrå
större utredningar än andre. Förutom deß hafwer och sta-
den, för en liten tid genom en skadelig wådeld, stor och o-
botelig skada tagit, så at hon utan en särdeles benådning,
och prolongation af friheten, icke kan komma sig up och
före igen. En Kongl. Majits resol. på S:fors Inv. ans.
af d. 9. Martit 1660. lyder sälunda: Efter S:fors stad my-
sigen af en häftig wådeld är worden förbränder, så lemna
Wj dem frihet i 4. års tid, på lilla Tullen, accisen, och
bakungs pengar. ic.

quotidiè efflorescit, ut non minore loci amplitudine, quam formæ concinnitate, eam quæ pri-
dem fuerat, in non paucis vincat, & exsuperet.
Longitudo urbis hodierna, ab oriente ad occi-
dentem MCC. latitudo, a septentrione ad austrum
DCCLIII, & peripheria, MMMCCCC. ulnas con-
ficit. Ad forum, quod in urbe non nisi unicum
constitutum est, idemque quadratae dimensionis,
quatuor patent aditus. In quatuor regiones, ceu
insulas, **Östra** / **Wästra** / **Södra** / & **Norra** quar-
teren, urbs est divisa. Qui orientem spectat tra-
ctus, LXXV consitus est fundis; qui occasum
respicit, LXXVI villis majoribus & minusculis
constat: meridionalis plaga, XLIII. & demum se-
ptentrionalis CXXXII. fundos, sive areas, au-
gustioribus modo angustioribus ædibus ornatas
continet. Præter has recensitas, nonnullæ adhuc
sunt areæ, ædibus destitutæ, quarum in exilio
pristini possessores vitâ modo defuncti sunt, modo
fortunæ diutius prementi, terga præbere, & ali-
orsum commorationis suæ sedes transferre, coacti
fuere. Plateæ urbis sufficienti latitudine gauden-
tes sunt sequentes, illæque majores: **Stergatan** /
Östra - och **Wästra** - **Kyrkgatan** / **Lill** - och **Stora** - **Glo-**
gatan / **Södra** - och **Wästra** - **Strandgatan** / **Tawast-**
gatan / **Kårgatan** / **Berggatan**, ut minores anfra-
ctus, & transversas commorationum distinctiones,
silentio transmittam, quæ cives inter socialis vitæ
cultum promovent, & circumdata spatio conti-
gnationum serie, versus inopina ab igne damna,

remedium præstant. Telonia urbis numerantur tria: telonium *Esböense*, de quo supra. Hic etiam pro rebus consumptioni privatum destinatis, publicæque distractioni propositis, solvuntur accisa. Telonium alterum, *Cronoburgense* & *Tavastense* audit, non alio nomine, quam quod viam *Tavastlandiam* versus aperiat, immo per *Savolaviam*, *Car Eliam*, trans *Europam*, in *Sarmatiæ* interiora proficiscentibus, pervium efficiat transitum. (a) Telonium *maritimum* (*Sid-tullen*) ex commerciis mari institutis, quæ publico debentur colligit. Edificiorum in urbe structura est lignea, eademque haud invenusta; (b) habent enim ædes plerumque omnes, suam non exiguum laxitatem, altitudinem-

(a) Tempore hiberno migrari nonnunquam solet statio tabernæ hujus. & ad tractum, quem vocant *Esthias*, qui suburbanam orientem plagam respicit, transferri. Per eandem enim viatoribus super glaciem brevior, hyberno tempore, plana magis, expeditiorque ad urbem via prostat.

(b) Tres tamen lapideæ ædes hodie eonspiciuntur; & quo magis in portu, quod dicitur, navigare cœpit publica securitas, tanto intra moenia, domesticum larem columine & cultu conspicuo magis tecta sua prolaturum, speramus. Est Pieriæ domus lateritia, paulo ante cœpta molitio. Illa, ubi in justam altitudinem excreverit, sicut numerum concinniorum ædium auget, ita ad dignitatem urbis, luminis non parum brevi affundet. Sed erit de subtractionis materia & formâ illius, modò commodior dœndi locus.

dinemque, imo etiam quædam obviæ sunt, quæ duabus, & tribus contignationibus, sursum assurgunt; ne de artificii & symmetriæ decore quid dicam, ceterisque quæ ambitione irritante, peritia & elegantia amat. Situ & opere fastigiato in altum exsurgens templum, suo cum campanili, itemque curia, suo se vertice attollens, adspicientium, tantum non omnium suffragationem mereri, ex agris advenæ omnes consentiunt. (a)

§. VII.

De forma templi speciatim agit.

PRIMUM in urbe, quod procul intuentibus ad venis religionem incutit, venustissimæ formæ templum, CHRISTINÆ reginæ auspicio, ad illum, quo hodie eminet, modum condi cœptum fuit, conditorisque suæ nomini dedicatum; quæ ut verterentur incommoda quæcunque in felicem eventum, Tullhalle prædium lateritiæ officinæ instruendæ, non difficulter concessit. (b) Hoc vetustissimæ religionis delubrum, eidem, cui urbs ipsa, fato involutum, eademque cum privatis ædibus, mole incendioque obrutum fuisse, anno

E 2

MDCLVII,

(a) Hæc forma urbis, quæ exæcte regularis non est, in posterum perfectiorem, quod speramus, induet habitum, ad delineationem illustris & ingeniosissimi viri, cui munienda urbis summa commissa est.

(b) Vid. Röngl. Majts res, på H:fors Inv. ansökt. af den. 20. Martii 1643.

MDCLVII, extra controversiam esse videtur. Quo
verò tempore, quæ hodie est sacra ædes, iterum
reædificari, suoque nitescere cultu cœperit, ob-
desectum documentorum, exactè definire non
possimus. Id certum tamen, exploratumque ha-
betur, quod textum affabre opus, an. MDCXCIII.
planè non adhuc absolutum fuerit. (a) Hanc æ-
dem ex lignea constructam materię, inque figu-
ræ oblongæ conformatiōnem concinnatam fuisse,
item organo pneumatico illustri, lapidibus sepul-
cralibus, aliisque ad memoriam æternitatis exor-
natam fuisse monumentis, exactæ ætatis viri ve-
nerabiles, etiamnum testes funt certissimi. Hoc
verò Deo sacratum ædificium, in fumum & ci-
nerem una cum urbe, an. MDCCXIII. redactum
fuit. Ab anno MDCCXXI, quô, inita pacè cum
Moschovitis, hæc urbs una cum ceteris in vicinia
regionibus capiti & regno *Sveano* pristino suo
restitueretur, oppidanique ad vacuefactos suos
exspoliatosque penates sensim redirent, ne focis
suis sacra destituerentur, plebeja ex ligno tabula-
rum series conglutinata fuit, eademque areæ,
nauti-

(a) Kongl. Maj:ts ref. qf den 29. Decembr. 1693.
Nostrates quidem supplices tum petivere auxilium, ad
templum, & campanile exstruendum, sed summa urgente
tempore regni necessitate, nil opis rex longè clementis-
sus, utut libenter etiam voluerit, illis concedere potuit,
præter illam jam antea datam potestatem, stipis (collect-
pengar) per omnes regni ecclesiias cuiusmodicunque colli-
genda.

nautico ponti vicinæ, superimposita. Stetit ad annum MDCCXXVII usque illa templi porticus, quo vergente, areâ locoque, quo templum ustulatum ante stetisset, hodiernum tanquam altera phoenix surrexit, alternamque suam per funera vitam reassumisit. Est hoc recens cultui *Divino* sacratum magnificentum tectum, ex lignea quoque constructum materia, prope forum, ad occidentalem ejus partem, factaque, media parte, totius operis conjunctione, formam crucis exhibet. Ab orientali parte ad occidentalem, facta commensurazione XLV, a meridie verò ad arcton, XLI. ulnarum intervallum, complectitur. Cornua verò, in quæ sese porrigit pars medioxuma templi, quatuor longitudinis, & latitudinis XV. cubitorum sunt. Tectum, quô ceu operculo cornua mununtur ex ferro imbricatis: turris verò ligneis imbracatis ex stanno lamellis an. MDCCXLVI. apertum est. (a) In exteriori turris parte, illinc solis species sublime carentis, hinc pleno vultu luna, ad vividum expressa, comparet. Sacrarium, quod ab aquilonari templi parte exstructum est, & per quod aditus ad fanum personis, sacro ministerio devotis, patet, quadratae dimensionis est, longitudinisque circiter IX ulnarum. Inter ornamenta templi

E 3

(a) Ad hoc opus, omne secundo cœptum, quanto-
cius pertexendum, indulst Rex immortalis memorij FRI-
DERICUS I:mus, civitati nostræ potestatem, stipem libel-
laticam, per universum regnum, & singulas ejus diœceses
iterum colligendi, inque religionis usum convertendi.

templi interiora, primò nominandus est suggestus, qui fulgore & splendore suo intrantium oculos animosque prorsus capit. Est enim hic variis imaginibus affabré sculptis & auro obductis exornatus, adeo ut paucos in nostra gente reperias illo artificiosiores. A boreali artis & substructionis hujus parte hæc conspiciuntur verba: om **I** blif-
wen wed min ord / så åren **I** mine rätte lärjungar
Joh. 8: 31. Inde affixo, superiore loco, tholi tergeminio tabulatui rutilantia auro sequentia leguntur verba: PETTER STEEN, MARIA ELISABETH GROEN/
CHRISTINA SCHELE, quippe quorum a fortuna e-
gregie instructæ conjugum triadi, cathedra ante
oratorium editior hæcce substantiam & formam
suam in solidum debet. In quarta ejusdem indolis
tabula exstat annus 1726. (a)

Tabulam altaris fulvis & conchyliatis coloribus distinctæ imagines ornant, Christi cōram discipulis in monte transfigurationem exprimentes. Supra illam in pariete templi, penicilli artificio, exortus solis vividè est depictus, quem excipiunt hæc verba:

JEHOVAH

TU LUX, TU VITA, TU MEDICINA

Et

(a) Fuit hic STEEN mercator Holmiensis, natus *Helsingforiae*, qui ad laudes Numinis celebrandas, & in perpetuam nominis sui recordationem, hunc suggestum anno 1726. templo dono dedit. GROEN fuit illius altera, & SCHELE, Aboæ genita, altera conjux.

Et
ULRICA

Tu Nomen Splendidum Tu Meum Decus
eris.

Insigne *Helsingforshæ* inde depictum est, & hæc cautionis plena commonefactio mox subter adjecta:

Eu stad, o *Helsingfors*, tin gamla synd lägg af,
Om tu ej segla will ånnu en gång i qvaf.

MDCCXXVII. (a)

Podia quoque, aut si dicere mavis loculamenta tria, pulcherrimè elaborata, supra fores templi, inter parietes quaqua versum semet porrigentia conspicimus. Quin destituuntur neque ædis augustæ penetralia hæcee aliis, sacræ rei commodo compendioque, dicatis anathemiatis, utpote fenestrarum speculari lumine, quarum ibi XI numero fores numerantur, tantæ magnitudinis, ut sufficientem lucem fidelium communioni non molestè suppeditent. Lychnuchi ex ære cyprio, fusoria arte confecti, iidemque sedem facemque præbentes accensis lychnis, cum phœbus luminare suum abscondit, admodum sex numerantur, quorum trini non ullis gaudent titulis. Reliquis vero liquidius modò, modò obscurius largientium insculpta leguntur nomina: *JOBST HUUK*, A:o 1704. *Lars Hindersson*, *Margaretha Hindersdotter*; item *J. L. S. S. A. M. D. S.* A:o 1659. Candelabra ex lamellis

(a) Agnoscit distichon hocce præpositum WÅNG auctorem, compositum sine dubio tempore & occasione, qua religioni curia hæcce denuo dedicata fuit.

mellis aurichalci ductilibus confecta, parietibus templi affixa sunt decem. Porticus, quibus præstrui vulgo solent fores templorum, quæque pridem custodiendæ levi veterum armaturæ inferviebant, quot numero januæ, toties geminatae illæ quoque comparent, cunctisque e longinquæ sacra peragere cupientibus advenis, quibus consideant, sedilia ministrant. Sepultra intra sacrorum teæta nulla visuntur, ne odorum ex evangelio savitatem differta odoribus sepultra confundant. Interim in atrio ecclesiæ, puta in cœmiterio, sepeliuntur vitæ defuncti, more in vetere ecclesia usitato, & sanctis patribus commendato, qui ex communione ecclesiastica defunctorum, insignia in superstites bona redundare voluerunt. Usitatum fuisse *Romanis, paganis & Christianis* titulos inscribere sepulcris & monumentis suis, non ut de jure dominii modo, sed præclarè gestis illius constaret etiam, cuius in hac vel illa crypta conderentur exuviae. **CATONEM** seniorem sepultra legendò, in memoria mortuorum non gravatè venisse **CICERO** in libro, nomini illius inscripto, testis est. In sculptis pro merito, mortuorum elogiis cava saxa loquacia reddere *Helsingicos* neque intermisso cives, quæ in illo atrio supersunt monumenta testantur. Qui sub altari, quam sub viridi colle vocantis ad iudicium vocem supremam liquido magis percipi posse putant opulentiores, ædicularias dormitorias suas pulvinaribus sacris approximari contendere nonnulli quidem: Sed cum ad opinionem non nihil,

hil, ad veritatem verò, puta salutem publicam
nil omnino conferret votum, imo ritu religionis
pristino, intra definitum aratro urbis locum, sepul-
cra constituere penitus non permisum fuisse, no-
tissima res sit: ne feralis contactu pulveris genium
loci ipsum contaminari quis suspicaretur, privilegii
illius abs senatu ecclesiastico, in præsens usque ne-
mini facta est indulgentia. (a)

Pastores ad docendum verbum, & exercenda
jura parochialia, legitimè vocati & ordinati, ab
initio superioris seculi heic loci, tanquam glebæ
suæ affixi, confedere sequentes:

Dn. HENRICUS WITTICIUS. 1612. Dn. JOHAN-
NES BIRGERI, 1641. Dn. GEORGII ORLANDER,
1648. Mag. ANDREAS NYCOPENSIUS 1664.

Mag. ANDREAS IGNATIUS, primum rector scho-
læ Helsingforensis, inde 1702. pastor. Mortuus

F

1710.

(a) Decore inhumatum iterum exhumari, pro vita ex-
actæ turpitudine quadam, imo posthumæ infamiae loco
veteres habuere 2. Reg. XXIII. 16. Nostratibus, cum cry-
pta intra ecclesiam funera inferri primum, & perfecta
solemnitate, iterum efferri & solo sepulcrali promiscuo
contumulari moris sit: quam ab ipso temet publicum de-
corum sæpe dissideat, & majorum institutis turpia & hone-
sta multa metienda veniant, ad animum vocato exemplo
hoc ipso, quasi per transennam quisque videre potest. In
veteri ecclesia istiusmodi reliquiarum translationem apud
illos, quibus multitudo sanctorum quæstui est, invaluisse,
& ad degeneris pietatis infanam commendationem admodum
multum contulisse, quis nescit?

1710. pestifera grassante lue, & inusitata mortali-
tate genus humanum depopulante.

Mag. JOHANNES SERLACHIUS, *Nylandus*. Post
exactum rite scholæ magisterium in gymnasio Wi-
burgensi, pastor *Kekisholmensium* constitutus anno
1680. Belli ingravescente æitu, *Forsiam* translatus
anno 1711. quin, cum in illis sedibus neque diu
morari sibi datum videret, in Ostro-Gothiæ trans-
marina se recepit. Inque illo exilii portu antistes
Husbyensium ad annum 1729. egit, quo ineunte
spiritum, quem natura dederat, fato reddidit.

Mag. JOHAN. WÅNG. Ne qui gregem pasce-
ret, duce & custode diutius justo destituerentur
cives, regio diplomate instructus, e fuga redux
huc accessit anno MDCCXXI. Denatus anno
CICCCXXVII *Helsingforsie*.

Dn. JOH FORSSKÄHL. S. S. theolog. doctor. 1725.
Pastor ecclesiæ Fennorum Holmiæ primum, (a)
Wångioque fatis functo, anno 1730. pastor & præ-
positus Helsingforsensis constituitur; an. vero 1740.
hinc *Holmiam* discessit, ubi iterum pastor factus
ecclesiæ Fennicæ. Hodie presbyterio ecclesiæ san-
ctæ Mariæ tituli, *Holmia* præst. utinam feliciter,
& quæ tantum virum decet, in Nestoreos annos
continuanda vitæ perpetuitate.

Mag. JOH. FORTELIUS. Anno 1730. constitutus
rector scholæ trivialis, quæ *Olofsburgi* pridem flo-
ruit. Inde lector gymnasii Borgoënsis 1734. vocatus.
Dehinc unanimi parochialium vocatione, & supe-
riorum

(a) Vid. dissert. de *Stockholmia* p. post. pag. 62.

riorum ordinatione pastor & præpositus *Helsingfor-*
sensium factus an. **CICCIcccxlI**, quam spartam summa-
cum laude, & pleni vigoris emolumento etiamnum
fusinet, obit, exornat. dignus qui cum comministro
& legionis artilleriæ parocho Dn. **ALEXANDRO HEL-**
SINGBERG, tranquillissimè senescat, & florem juven-
tutis, industriæ beneficio, ætatèm retineat.

Denique h̄c ultimo loco, illud insuper mo-
nendum, quod ad curam pastoris & præpositi Hel-
singforsensis pertineat quoque parochiæ suburba-
næ administratio, cui cum veteri urbe nomen
idem inditum est. Usque ad annum **MDCLIII.**
hæ duæ ecclesiæ diversos habuere pastores. Dicto
verò anno, pastor *Helsingforsensis* **GEORGIVS ORLAN-**
DER CHRISTINÆ reginæ beneficio, procurandæ
utriusque ecclesiæ auctoritatem sibi, suæque in
sacro munere posteritati conciliavit.

§. VIII.

De Campanili.

Exstructum fuit campanile ad magni fori occi-
dentalem partem, collem super apricum spa-
tiosumque, idque nonnullis ante annis, quam
voracibus flammis depascendos traderent penates
suos, cives jam jam extorres futuri. Erat mate-
ria, ex qua conflatum fuit, lapidea partim, par-
tim etiam lignea. Quæ vero supernè eminebat
sylvestris moles igne consumta fuit, tempore mo-
do nuncupato. Post redditum e fuga, quamvis rei
gerendæ nervo vacui, cives eandem iteratò tamen

reparare cœperunt. Anno verò MDCCXLVI illam induit formam quâ jam superbit, dum murus non solum adactus fuit altitudine, sed turris insuper etiam ligneis segmentis, iisdemque stanneâ toga vestitis exornata visitur. Fastigium muri, qui hodie est, viginti & tres cubitos una cum quadrante complectitur; quæ vero supernè eminet turris altitudo, a fornice ad fastigiatum acumen usque, in spatium triginta & quatuor ulnarum porrigitur. Murus quadratam habet figuram, latitudinis octodecim circiter palmorum. Eodem opere octo fenestræ superiori turris parti insertæ sunt, eorum usui, qui ad prævidenda ab alto fortuita quæcunque, eademque quantum in se quidem præcavenda, urbis in excubiis positi fuerint. Anno MDCCL. horologium sat accuratum & præstans in turri, loco supra campanas edito, comparet, quod diei venientis & decedentis vices, nostrosque in umbram mortis propiores gressus exactè describit. Campanæ, quæ iterum iterumque facto pulsu suo repulsumque, ad publica vota Sionis gregem convocant, non unius moduli neque mensuræ sunt. Quæ cetera timinentia æra mole & magnitudine antecedit, hunc ab altera parte sui titulum repræsentat: Denne Klockan åhr af ådle Herrar, förmelige gode mānn förährat / hvilcas nampn i Kyktones höf finnas här sammastädes. Hujusce æris adversum latus iterum sequentia ornant: Den ådle och Welb. Herre, Herr ERNEST JOH. CREUTZ til MALMA, TAMMER-

MERKOSKI och CASARITZ, Landshöfdinge öfwer NYLAND och TAVASTEHUS län. Den ådle och Welb. Fru, Fru ANNA ISAACS Dotter SÖLFVERSPARRE, Fru til ORA, MALMA, TAMMERKOSKI och CASARITZ. Tidulis hisce, diverso loco, ex Psalmo DAVIDIS centesimo quinquagesimo, integri versus adscripti leguntur, & demum quo ecclesiæ usui primum destinari coeptum vas ahenum hocce, annus exprimitur CICICLIV. In altera verò, quæ minoris moduli est, campana, hæc comparent verba: Denne Klocka är guten af KONGL. Styckgiutaren GERHARDT MEIJER i STOCKHOLM. Tertia quæ tinnuli æris minima audit, inscriptione & elogio omni destituitur.

§. IX.

Scholæ, ejusque rectorum historiam tradit.

Ecclesiæ seminarium scholas esse, & si verè sapiens altera; iterum verè Christiana altera censeri velit, concordiam utrinque intercedere debere, LUTHERUS ait. (a) Ut frigido sub axe non obtorpesceret ingeniorum cultura, (b) per omnes

F3

regni

(a) *Sacerdotii & imperii*, itemque *rationis & fidei* harmoniam multis commendant de MARCA & HUETIUS, nomine PETRI, itemque Galliæ episcopatu illustris uterque.

(b) Quam de ingeniis borealium philosophicis per versè sentiat HEUMANNUS, & in denen alzufalten ländern dieselbige gleichsam eingefrohren, und wenigs activiter habent de esse censeat: In diversam verò sententiam abeant HAHNE professor Kiloniensis, & una cum illo Westariensis ca-

regni sui partes PALLADEM *augustam*, CHRISTINAM puta, pia *Musis* sacraria instituisse, certe non *Finlandiam* muneris ejusdem exhortem esse voluisse, plus satis notum. Academiam *Aboæ*, *Wiburgi* gymnasium, & ceteris locis ephebea particularia instauravit, ut verâ religione pariterque moribus homine & cive dignis incolæ imbuerentur. Fuit illud CHRISTINÆ hæreditarium, beneficiando nunquam defatigari; & ne quâ parte *Forsie* novellæ suæ honori & commodis deesse videretur, literario intra pomœria instaurato ludo providit, cui verendam majestate manum mox largiter accommodavit. (a) Ut autem connubium *scholam* inter ecclesiamque certo certius promoveret urbis *senatus*, quo jam ante ecclesiam, continente solo eodem, quoque scholam inædificare, sed exitu, &, in præsens usque eventu non alio, quam qui esse solet eorum, qui rem magno conatu, sed sine successu moliri solent. Quidquid sit, cur scholæ historiam, ecclesiasticæ rei recensioni

meræ consiliarius D. D. NETTELBLAD in commentatione academica, qua, sub ægide Palladis, dicacis opprobria lingvæ, salis genere eodem pro se quisque retudit, non incommode conferri possunt.

(a) Reginæ CHRISTINÆ auspicio, & generali gubernatore curante BRAHÆO, scholas triviales per *Finlandiam* surrexisse passim, imo circa annum ccccxxxix, aonio ludi genere eodem, rem *Nylandiae* literariam, in hac nostra urbe auctam fuisse, dissertationis de ULOA auctor pridem testatur.

sioni subjunxerim, pro ratione sufficiente erit, quod
 quæ majorum pietas conjunxit, & orbe toto ferè
 communia, eademque contigua esse solent, heic
 loci opinione distrahi ego neque pati potuerim.
 Caussam verò in longum dilati operis, puta phron-
 tisterii heic loci exstruendi, hanc habe. Nempe
 cum penates non nisi pecunia jejunos ab exilio
 domum referrent cives, imo regni ærarium atro-
 cibus damnis accisum ipsum neque sufficeret sum-
 tibus faciendis, necessitatis habenda ratio effecit,
 ut intra strenuam consultationem res substiterit, cer-
 té ad manum & effectum non nisi agrè devenerit.
 Haleyonis terra marique redditis, intra tabulata
 ædis, quæ pro promptuario *Moschis* inserviisset,
 scholastica pubes primum congregabatur. Hodie æ-
 des *Forsmannianas* pro incolatu tenet, (a) ibique
 donec, quod sub manibus est, lapideum duarum
 contignationum ædificium ad fastigium brevi suum,
 complementumque adductum fuerit, in disciplinis
 sic dictis fundamentalibus à rectore uno, nec non
 correctore & tribus collegis instruitur, morum-
 que, qui in amores trahunt, concinnitate imbui-
 tur. Hoc loco insuper monuisse juvabit, patrum
 memo-

(a) FORSMAN pridem mercator urbis fuit, idemque
 hospitalitatis laude insignis. Illo verò sub invento præ-
 sentissimi consilii, quām cum ceterarum rerum venunda-
 tione, literariæ rei mercatui pulchrè conveniat, opulentia
 promtuaria & Musarum penetralia juxta se posita, non
 exiguum publicæ rei decus conciliare apta sint, cuivis
 cognoscere promptum.

memoria ecclesiasticos cœtus sequentes: Esbo/ Kyrke-
slätt/ Wickfis/ Janakala/ Siundå/ Ingå/ Stor-
lojo/ & ulta Tavastburgum parochiales Hauhoënses
scholæ triviali nostræ, in modum patrimonii
fuisse legatos, ex quibus vitæ sustinendæ stipem
alumni illius colligerent, illi præsertim, quibus
pro patrimonio ingenium fors tribuisset, quibus-
que ostiatim dicere nil sibi in pera esse, frons
ipsa deterret, dissuaderet. (a)

Series rectorum Scholæ hæc est.

Dn. JOH. MICHAELIS SAVONIUS. Dn. ANIREAS
NEOCOLANDER. Mag. NICOLAUS LINDORMI. Mag.
JOH. MARTINUS GRÅA. Mag. ANDREAS IGNATIUS,
cujus inter pastores jam ante honorificam men-
tionem fecimus. Dn. GEORGIVS KYHL. Mag. GU-
STAVUS BRODZENIUS. Pestis ante diem anno 1710.
hunc clariss. virum sustulit.

Dn. PETRUS NICANDER. Mag. ANDREAS IGNA-
TIUS, filius antecedentis. Dn. PETRUS HERKEPOEUS.
Dn. JONAS LÖNGREN, Smolandus, postea S.
theologiæ lector in gymnasio Borgoënsi. mor-
tuus anno 1748.

Dn. ISAACUS H. Ross, Aboënsis, anno 1735. re-
ctor scholæ Helsingforsensi præesse cœpit. A:o 1737
adjunctus Facult. theologicæ ad hanc academiam
designatus. Non muneris honore eodem modo
hodie

(a) Vide GUSTAVI ADOLPHI ref. af den 27. Julii
1618. på S:fors Jm. och rectoris SAVONII ingifta memo-
rial. Confr. PETRI BRAHE literarum exemplum ad pasto-
rem Helsingforsensem dat. die 7. Aprilis anno 1649.

hodie perfungitur, verum ecclesiarum, quæ Deo in Nådendal / Nåså & Merimastå colliguntur, anti-
stes & præpositus, suo, id est meritissimo jure, pridem
inauguratus est. Cujus ut omnia, studiosæ juventu-
tis usui & emolumento dicata animi consulta, itine-
re, quam haetenus, placido magis eant, procedant,
provehantur, una mecum disciplinæ illius alumni o-
mnes exoptant. **Rossio** decedenti ex correctore
successor datus

Mag. JACOBUS MALLEEN, qui exacto in illa
statione triennio, an. 1741. pastor ecclesiæ *Jemsi-*
oensis factus. A:o 1752. diem obiit.

Dn. OLAUS MÅDHÅ / *Aboënsis*. Primum colle-
ga Scholæ *Helsingforjensis*, inde corrector, & de-
nique an. 1742. chori totius moderator exstitit.
A:o 1750. pastor in *Orimattila* constitutus, præ-
positi honore hodie auctior factus, ornatiorque.
Illi verò rem scholasticam rite & diligenter ad-
ministranti fortuna affulgeat, & diu sine dolore
vitam mortalem transigere sinat!

Mag. JONAS KROOK, *Nylandus*. A:o 1748. pro-
motus philosophiæ magister, Sacrarum rerum
tractationi a puero initiatus, tradendorum ad
Auraicam academiam mysteriorum *Divinorum* ma-
gister docens designatur anno 1751. Cumque ad
ordinanda & conformanda reipublicæ utrique, ju-
ventutis studia, dotibus a natura eximiis instru-
ctus esset, ne, quam patriæ debebat pietatem,
peregrè profunderet, hujusce' lycei sui alumnos,
quorum interest, ex ore illius auctoritateque pen-
dere

dere jusserunt. Cumque gerat ille magistratum eundem, quinto nunc anno, & una cum sedulitate docendi, strenuam curandæ gymnasticæ rei dexteritatem conjungat, ut liberalioris institutio-
nis suæ præmiis, pro merito lautioribus, brevi ma-
stetur, qui literis bene cupiunt, sincrè voent.

Conrectoris munia magister **GABRIEL MELAR-**
TOPOEUS sustinet, ejusque culturæ, ceu fementi,
quam messem olim relaturi sunt, magnam par-
tem fese debere, discipuli non ingrati agnoscunt.

§. X.

*Virorum clarorum, qui natalem huic urbi lucem
debent, honorificam, pro merito, mentionem faci.*

Scholas inter ecclesiastique cognationem inter-
cedere §. superiore evictum ivimus. Inter il-
los, qui fingendis ingenii præpositi sunt, eosque,
qui in illorum disciplinam fese conferunt, prope
naturalis, certè contractior, quam inter illam *rei-
publicæ* partem utramque necessitudo existit. Cum-
que in diversas colonias transmigrare oporteat
pubem scholasticam, neque aliunde melius de pra-
etica fide doctorum ferri possit judicium, quam
ex vitæ cultu discipulorum: quām felicia fuerint
monstrati itineris auspicia nostratis ludi magi-
strorum, quas in suo pulvere formas ingenii in-
ducere inchoaverint, animadvertere proximum e-
rit. Titulum, in quo triumphent, honestissimum
invenisse merito dicuntur parentes, dicuntur præ-
cepto-

ceptores, cum ab alumnis suæ familiæ vincuntur. Duplicatis passibus ductores suos sequutus fuisse, eosdemque longo post se intervallo reliquisse, plena titulis, eademque Musis gratissima *Forsiae* natorum & educatorum nomina testor. Inter illos familiam dicit, heroibus editus, heros ipse Cancelarius & senator regni *GUSTAVUS BONDE* (a) suo cum fratre *NICOLAO*, *Nicopenis* satrapiae paulo ante præside & castellano; qui cum parens illustrissimus *Nylandiarum* gubernatorem ageret, aratum, quæ ad humanitatem pertinent, rudimen-

G 2

ta

(a) Hujusce herois nomen, dum historiæ Svetlicæ fidès ulla lausque, omni studio diligentiaque celebrabitur. Cumque illius in omnem rempublicam, præcipue vero literariam, pietatem officiosissimam, in collectione historiæ septentrionalis paucis expresserit fastorum obscurioris ævi, dum viveret, *Oedipus* Dn. E. J. BIOERNER, quam de conspectu regum *Svetlicæ* genealogico COMITIS nostri, sententiam dixerit, paucis advertere a proposito non alienum erit: *Conspectus regum SVETHICÆ genealogicus*, inquit, à VIRO ILLUSTRISSIMO, non minus antiquariorum Sverbiae Maeccenate incomparabili, quam, cœu pariter diximus, sapientiae antiquae callentissimo studiosissimoque *Mysta*, nobis transmissus. In quo invenies non tantum regum omnium, quem buc usque vidimus, accuratissimum recensum, sed & corundem in certas familias verissimam digestionem; auctorum praeterea & documentorum, ex quibus sua contextuit, candidam annotationem, quæ utique spectatissimæ suæ fidei exemplum dedit, nullis non dignum praeconiis,

ta domi, quæ verò altioris indaginis esse censentur, *Aboe* probè perdidicere. (a)

Inter illa nobiliora ingenia, quæ reipublicæ ministerio præparavit *Helsingforſia*, *Cassellani* principis aulæ consiliarium & bibliothecarium **JOHANNEM ARCHENHOLZIUM**, utinam diu superstitem, connumerat; qui quantum institutione liberali, multiplici peregrinatione, & omnigenæ eruditio-
nis apparatu literis præsidio fuerit, patriæque dedita operâ faverit, gestorum **CHRISTINÆ** reginæ commentarii, & pro vindicanda *principis* suæ gloriâ, suscepτæ dimicationes piè testantur. (b)

Inter claros *Helsingforſia* oriundos, qui ea non amplius figura apparent, ut digito monstrari que-
at, professorem *Upsaliensem* **SIGFRIDUM AHARONIS**

FOR-

(a) Aboënsi academiæ illustria nomina sua dedisse comites hosce, matricula anni 1695-1700 sequentia verba testantur: Anno 1695. die 25. Nov. inserti sunt in banc matriculam illustrissimi comites & fratres, Comes GUSTAUUS CAROLI BONDE & comes NICOLAUS CAROLI BONDE S. R. M. Senatoris, & regii dicasterii DORPATENSIS PRÆSIDIS, illustrissimi Comitis Dn, CAROLI BONDES filii baud degeneres.

(b) Ex illo censu, civis optimi existimationem spectandam esse dixerunt auctorum eruditorum *apud Lipsenses*, sine bile, censure; operis & auctoris cauſsam in hunc modum orantes: Destinatio ejus ad omnem ætatem commemorabilis. Acciderunt ei, civibusque orbis exculti & eruditii per eum, omnia ad votum & sententiam. Superat labor ejus invidiam, excitat admirationem, non expellat sed reportat laudes am- plissimas, tantoque dignissimas instituto,

FORSIUM jure retulerimus, insignem physicum & regni astronomum, eundemque pressæ, sed non oppressæ innocentiae nomine memorabilem; cui cum illud venustè accidit, ut artis & ingeniosæ solertiæ suæ interpretem peregrè non difficulter invenerit, JOACHIMUM SEILLIUM *Lubecensem*, quam ad oris effigiem a chalcographo expressam, vitæ imaginem ære perenniorem ille adjecerit, heic loci annextere non pigebit:

SIGFRIDI ARONI vera est, pie lector, imago,
Ipsius ingenium pingere nemo potest,
Mente celer, calamo celer, celer ore, sed ejus
Ingenium pingunt edita scripta satis.

Docuit in supremo & trans mare unico ævi illius lyceo SIGFRIDUS, ut ante modo dixi.

Cis mare, supremo gymnasticæ pariter atque ecclesiasticæ rei magisterio, ut ceteros taceam, clarissima nomina fuere, CARSTENIORUM, BRUMERORUM & SERLACHIORUM, (a) qui post exantatas diu institutionis publicæ molestias in gymna-

fio

(a) CARSTENII *Wiburgenfis* episcopi ejusque operum cum honore mentionem facit in episcoposcopia sua Dn. D. ANDREAS OL. RHYZELIUS *Lincopenfis* episcopus, ecclesiasticæ & literariae conditor historiæ. SERLACHII alterius, pastoris & præpositi in illa sua dioœcesi, memoriam, carmine exequiali idem neque gravatè expressit. Alterius autem PETRI, pu-

sio Wiburgensi, Zionis cœtui præsules & antistites
inde dati, verbi & exempli rore multo gregem
sibi commissum paverunt, fœcundaverunt.

Essent, quibus *urbis* famam hac parte tueri
liceret, etiamnum non pauca dicenda: sed ne singula
consectando in simpulo fluctus ciere velle vi-
dear, ad ea quæ de politicis *urbis* nostræ institu-
tioni dicenda restant, pedem promoveo.

ta grandævi senis, ejusdemque *Pernavienſi* antistitis vita
memorabilia, stili genere non dissimili prosequutum legi-
mus Dn. M. D. STARCKIUM, *Lovisianæ*, quæ nostræ gen-
tis est, venerandum hodie antistitem. ERICUM BRUMERUM
lectorem fuisse *Wiburgensem*, aboae literatæ auctorem no-
biliſſimum confer.

CORRIGENDA.

Pag. 10. notarum lin. 10. pro *bosque*, lege: adeo-
que. Pag. 37. lin. 15. pro *quatuor*, lege: *quatuordecim*.
Pag. 48. lin. 3. pro *ulta* lege *ultra*.

Ceteris, quæ aciei ingenii & oculorum sese subdu-
xere, ignoroscere, humanitatis erit.

